

# Lettres patētes.

DV ROY, PORTANTS  
DEFENSES DE NE FAIRE  
aucune assiette, cottisation, depar-  
tement, cueillette, ne leuee de de-  
niers, sans exprés commandemēt  
dudiēt Seigneur, à peine de con-  
fiscation de corps & de biens.



A PARIS,

Par Robert Estienne Imprimeur du Roy.

M. D. L X V.

Auec Priuilege dudiēt Seigneur.

1755

1756

1757

1758

1759

1760



A. P. R. 1. 6.

1761

A. P. R. 1. 7.

1762



# LETTRES PATENTES

DV ROY, PORTANTS

defenses de ne faire aucune assiette, cotti-  
sation, departement, cueillette, ne leuee de  
deniers, sans exprés commandement du-  
dict Seigneur, à peine de confiscation de  
corps & de biens.



HARLES par la gra-  
ce de Dieu Roy de  
France, Au Preuost  
de Paris, ou à son  
Lieutenant, Salut.

Encores qu'il ne soit  
loisible à aucun de nos subiects faire  
ou ordonner estre faicte cottisation,  
cueillette, ne leuee de deniers en ce-  
stuy nostre Royaume, sans expresse

A.ii.

permission de nous : Neantmoins  
s'estant trouué cy deuant que plu-  
sieurs en abusoyent, à la charge, fou-  
lé & oppression de nostre peuple:  
Ayent esté par nos predecesseurs &  
nous faictes plusieurs defêses & pro-  
hibitions de ce faire, sous griefues  
& grandes peines, qui ont esté pu-  
blicees, & plusieurs fois reiterees en  
cestuy nostre Royaume, tellement  
que personne n'a deu en pretendre  
cause d'ignorance : Toutesfois nous  
sommes aduertis, que en plusieurs  
lieux & endroits de nostredict Roy-  
aume lesdictes cottisations & leuees  
de deniers se font & continuent, au  
grand mespris de nous & de nostre-  
dicté autorité, contemnement de  
nos Ordonnances, dōmage & char-  
ge de nostredit peuple, duquel iceux  
deniers sont tirez & comme extor-  
quez sous diuers pretextes, le plus

iuste & faict desquels, est pour la seule auarice d'aucuns, & pour auoir plus de moyen de satisfaire à leurs passions, qui ne tendent qu'à la vengeance de leurs querelles particulieres, & au trouble de cestuy nostre Royaume: Chose qui nous desplaist incroyablement, pour la pitié grande que nous auons de nos pauvres subiects ainsi pilliez, & de la desobeissance que en ce faisant ils cōmettent contre nous, qui desirons singulierement y pouruoir.

P O V R C E est-il que nous voulans voir cesser chose si pernicieuse, & en reiterant lesdictes prohibitions & defenses, Auons de nouueau inhibé & defendu, inhibons & defendons tresexpressément à toutes personnes, de quelque estat, qualité ou condition qu'ils foyēt, Estats de païs, Colleges & communautez, sur pei-



ne de confiscation de corps & de biens, qu'ils n'ayent à faire ou ordonner estre faicte assiette, cottisation, departement, cueillette, ne leuee de deniers sur aucuns de nos subiects, pour quelque cause ne occasion que ce soit, sans exprés commandement de nous par nos Lettres patêtes sceelées de nostre grand seau : & à tous nosdicts subiects, chascun pour son regard, fournir, payer ne deliurer : & aux autres prendre ne receuoir aucune somme ainsi leuee, sous quelque couleur que ce soit, sans nostre-dicte permission : & ce sur les mesmes peines.

Et à fin que puissions sçauoir & cognoistre les fautes & abus qui ont cy deuant esté faictes contre nostre-dicte autorité & mespris de nosdictes Ordōnances, pour les faire chastier & punir comme elles meritent:

COMMANDONS & ordonnons à  
tous nos Lieutenans generaux, Gou-  
uerneurs, Baillifs, Seneschaux, Esleus,  
& autres nos Iusticiers, Officiers &  
subiects, qui sçauent aucune chose  
desdictes cottisations & leues de  
deniers, ainsi faictes que dict est, sur  
nostredict peuple, depuis nostre E-  
dict de Pacification : & de ceux qui  
en ont payé & receu : qu'ils ayent sur  
peine d'estre declarez fauteurs des-  
dicts coupables, & comme tels pu-  
nis des peines indictes en icelles nos  
Ordonnances, à le venir declarer &  
denoncer deuant vous : dont vous  
ferez actes signez de vostre Greffier,  
& informerez secretement cōtre les  
denoncez. Lequel acte & informatiō  
vous nous euoyerez là part que nous  
ferons, pour apres auoir esté veuz en  
nostre Conseil, en faire faire la iustice  
& reparation meritoire. Voulās que

ceux qui apres la publication de ces  
presentes seront trouuez auoir sceu  
lesdictes cortisatiōs & distributiōs de  
deniers, & ne l'aūrōt ainsi que dict est  
reuelé, soyent subiects à pareilles &  
semblables peines que dessus.

SI voulons & vous mandons que  
ces presentes vous faites lire & pu-  
blier à son de trōpe par tous les lieux  
& endroicts de vostre ressort & iuris-  
diction, & le cōtenu garder, entrec-  
nir & obseruer de poinct en poinct.  
Car tel est nostre plaisir. Donnē au  
Plessis lez Tours le vingtneuuieme  
iour de Nouembre, l'an de grace mil  
cinq cens soixante cinq. Et de nostre  
rēgne le cinquieme.

Ainsi signé, Par le Roy en son Cō-  
seil, DE L'AVBESPINE.

Et seellé en simple queüe de cire  
iaulné.